

# Molnupiravir

(Pu'aki 'mol-nū-PILA-via')



‘Oku ‘oange ‘a e Molnupiravir ki he kakai ‘e ni‘ihi ke tokoni ki hono tau‘i ‘o e vailasi COVID-19. ‘E malava ke tokoni kiate koe ke vave ange ‘a ho‘o sai‘ pea ‘ikai ke ke ‘alu ki falemahaki.

‘Oku fakasi‘isi‘i ‘e he Molnupiravir ‘a e lahi ‘o e vailasi ‘i ho sino‘ ‘o kapau ‘e ngāue‘aki ‘i loto ‘i he ‘aho ‘e 5 mei he kamata ho‘o puke ‘i he COVID-19. ‘E toki faitu‘utu‘uni ‘a ho‘o toketā pe ‘oku ke fiema‘u pē ‘ikai.

## Ko e fua ‘o e lahi ‘o e Molnupiravir: Folo ‘a e fo‘i‘akau ‘e 4 tu‘o 2 he ‘aho ‘i he ‘aho ‘e 5



### Pongipongi kotoa pe

Folo ‘a e fo‘i‘akau ‘e 4



### Efiafi kotoa pe

Folo ‘a e fo‘i‘akau ‘e 4

Folo ‘a e fo‘i‘akau ‘e 4 kotoa pē fakahoua ‘e 12 (hangē ko ‘eni‘, fo ‘i‘akau ‘e 4 ‘i he taimi 8 pongipongi pea fo‘i‘akau ‘e 4 ‘i he 8 efiafi)

Folo kakato ho‘o ‘u fo‘i‘akau ‘aki ha ipu vai. ‘Oua na‘a fakaava, lamu, paki‘i pe momosi.

‘E lava ke ke folo ho‘o ‘u fo‘i‘akau fakataha mo ha me‘akai pe ‘ikai.

Folo ke kakato ‘a e taimi ‘o e faito‘o, ‘a ia ko e **‘aho ‘e 5**. ‘Oku ‘ikai totonu ke tuku ho‘o folo ‘a e molnupiravir kae ‘oualeva ke ke talanoa ki ho‘o kautaha ki he mo‘ui lelei, neongo kapau kuo ke ongo‘i sai ange.

## Kapau ‘e ngalo ke folo ‘a e fo‘i‘akau



Kapau na ‘e ngalo ke folo ho‘o fo‘i‘akau ‘o **‘i loto ‘i he houa ‘e 10** ‘i he taimi ‘oku fa‘a folo ai‘, folo leva ‘i ho‘o manatu‘i‘ pe.



Kapau e ngalo ke folo ‘o **laka hake ‘i he houa ‘e 10**, ‘oua ‘e toe folo ia, toki folo pē ‘i he taimi folo hono hoko anga maheni‘.



‘Oua ‘e fakalahi ‘a e folo ‘o e molnupiravir koe‘uhi‘ ke fetongi‘aki ha taimi folo na ‘e ngalo.



**Ko e ngaahi uesia kovi angamaheni, tātātaha mo faingata‘a ‘oku hiki ia ‘i he peesi hono hoko**

## Fakahā ki ho‘o kautaha tokanga ki he mo‘ui lelei ‘a e ngaahi faito‘o kotoa pē ‘oku ke ngāue‘aki

‘Eke ki ho‘o toketā pe tokotaha hu‘ivai‘ (pharmacist) pe ‘oku lelei pē ke toe ngāue‘aki ha faito‘o fo‘ou, vaitamini pe ngaahi fo‘i‘akau ngaahi mei he ‘akau. ‘Oku ‘i ai ‘a e ngaahi faito‘o ‘e ni‘ihi ‘e malava kene uesia ‘a e molnupiravir.

## Feitama' mo e molnupiravir

'Oku fu'u mahu'inga 'aupito 'a e fakavahavahafanau' ki he tangata mo e fefine FAKATOU'OSI



### Uesia 'i he feitama:

'Oku 'i ai 'a e fakatu'utāmaki 'o hono folo 'o e molnupiravir ki ha pēpē te'eki ke fanau'i.

'Oku totonu ke ke faka'ehi'ehi mei he feitama' (ie, ngāue'aki ha me'a fakavahavahafanau pē 'oua na'a fai ha ngaahi 'ekitiviti fakasekisuale, lolotonga 'a ho'o folo 'a e molnupiravir PEA 'i ha 'aho 'e 4 hili 'a e faito'o'.

Kapau teke 'ilo'i 'oku ke feitama lolotonga 'a ho'o folo molnupiravir, fetu'utaki ki ho'o kautaha tokanga ki he mo'ui lelei ki ha fale'i.



### Uesia ki he huhu'a fakafanau (sperm):

'Oku 'ikai ke 'ilo'i pe 'oku malava 'a e molnupiravir 'o uesia 'a e huhu'a fakafanau 'o e tangata'.

Kapau 'oku ke longomo'ui fakasekisuale mo hao hoa 'a ia 'e malava ke feitama, 'oku totonu ke ke ngāue'aki ha founa fakavahavahafanau falalaanga lolotonga 'o e faito'o' PEA 'i ha mahina 'e 3 hili 'a e folo faka'osi 'o e molnupiravir.

## 'Oku ke lolotonga fakahuu?

'Oku 'ikai ke fokotu'u atu 'a e fakahuu' lolotonga 'a e faito'o' PEA 'i ha 'aho 'e 4 hili 'o e folo faka'osi 'o e molnupiravir.

Fakahā ki ho'o kautaha tokanga'i 'a e mo'ui lelei' 'oku ke lolotonga fakahuu KIMU'A pea toki ngāue'aki 'a e faito'o ko 'eni'.

## Ko e faito'o kotoa pē 'oku 'i ai hono ngaahi ola kovi

'E malava ke fakatupu 'e he Molnupiravir 'a e ngaahi nunu'a kovi, neongo 'e 'ikai uesia 'a e tokotaha kotoa.

### Ngaahi uesia kovi anga maheni

Ko e ngaahi me'a ni 'oku fa'a tō ma'ama'a pe, pea 'e mole pe 'iate ia pe, pē 'i he taimi 'e ta'ofi ai 'a e faito'o'. Fakahā ki ho'o toketā kapau 'oku fakatupu palopalema pē 'ikai ke mole:

- vai 'a e tu'umama'o' (fakalele)
- ongo'i puke (tokotokakovi)
- ninimo.

### Nunu'a kovi tātātaha, faingata'a

Fetu'utaki ki ho'o timi tokanga ki he mo'ui lelei pe ki he **Healthline 'i he 0800 611 116** 'i he vave taha' kapau te ke fakatokanga'i 'a e ngaahi faka'ilonga 'oku kovi ki he sino' hangē ko e:

- veli 'a e kili'
- fufula 'a e laumata pe takatakai 'i he ongo mata', mata, loungutu pe 'elelo'
- maha'iha'i 'a e fatafata'
- faingata'a 'a e mānava'.



Ki ha toe fakamatala fekau'aki mo e molnupiravir, vakai ki he [hn.org.nz/molnupiravir](https://hn.org.nz/molnupiravir)